

Ўзбекистон сузиш Федерацияси: йил якунлари сарҳисоби

Тадбирни Ўзбекистон сузиш Федерацияси раиси Кудратилла Рафиков олиб борди ва 2024 йил якунлари ҳамда келгусидаги режаларга тўхталди.

Федерация Бош котиби Руслан Мустаев, Сув спорти турлари бўйича Республика олий спорт маҳорати мактаби директори Дилшод Мақсудов, Ўзбекистон касаба уюшмалари Федерацияси тасарруфидоги Жисмоний тарбия ва спорт-соғломлаштириш бошқармаси бошлиғи Баходир Тожиёв ва бошқа масъуллар мавзу доирасида ўз фикр-мулоҳазаларини билдиришди.

Шундан сўнг Бош мураббийларнинг 2024 йилдаги фаолияти натижа-

лари, ўтказилган мусобақалар ва эришилган ютуқлар тўғрисидаги ҳисоботлари тингланди. Федерация раиси сув спортини ривожлантиришга қўшган ҳиссаси учун уларга миннатдорлик билдириб, халқаро мусобақаларда юқори натижаларга эришишида Федерация ҳар томонлама қўллаб-қувватлашга тайёргилигини маълум қилди.

Учрашувда бўлажак мусобақалар ва Олимпиада ўйинларига тайёргарлик кўриш, спортчиларга шугулланиши учун барча шарт-шароитларни яратиб бериш каби қатор масалалар муҳокама этилди.

Салим АБДУРАХМОНОВ «ISHONCH»

Ўзбекистон сузиш Федерацияси раҳбарияти сув спорти бўйича мураббийлар штаби, Федерация мутасаддилари ва ходимлари, шунингдек, Сув спорти турлари бўйича Республика олий спорт маҳорати мактаби масъуллари билан учрашди.



Тимур КУЧКАРОВ олган суратлар

Кенгашнинг IX Мажлисида Давлат муассасалари ва жамоат хизмати ходимлари касаба уюшмаси Республика кенгашининг 2024 йилдаги фаолияти якунлари ва 2025 йилдаги фаолиятининг устувор йўналишлари, Давлат муассасалари ва жамоат хизмати ходимлари касаба уюшмасининг X Қурултойини чاقириб, Ўзбекистон касаба уюшмалари ҳаракатининг 120 йиллиги, Давлат муассасалари ва жамоат хизмати ходимлари касаба уюшмаси тизимидаги касаба уюшмалари ташкилотларида ҳисобот-саяловларни ўтказиш, уюшманинг Республика кенгаши аъзолари таркибига ўзгартириш киритиш каби масалалар кўриб чиқилди.

Маълумотларга кўра, Кенгаш томонидан 2024 йилда Солиқ кодекси, «Касаба уюшмалари тўғрисида»ги ва бошқа қонунларга ҳамда Президентимиз томонидан имзоланган фармон ва қарорларга, шунингдек, ҳукуматнинг 12 та қарори лойиҳасига ходимларнинг ижтимоий-иқтисодий манфаатлари, ҳуқуқлари ҳимояси ва касаба уюшмалари фаолиятини ифода этувчи тақдирлар киритилди. Меҳнат соҳасидаги қонунчилик ҳужжатларига риоя этилиши устидан жамоатчилик назорати янада кучайтирилди. Меҳнат инспекцияси томонидан 52 та ташкилотда ўрганишлар амалга оширилди.

– Ўрганишлар якунлари бўйича иш берувчиларга жами 47 та кўрсатма киритилди, натижада меҳнат ҳуқуқи бузилган 171 нафар ходимга 658,2 миллион сўм зарар пули ундириб берилди, – деди Ўзбекистон касаба уюшмалари Федерацияси раиси ўринбосари – Давлат муассасалари ва жамоат хизмати ходимлари касаба уюшмаси республика кенгаши раиси Анваржон Абдумухторов. – Шунингдек, техник йўналиш бўйича йўл қўйилган камчиликларни бартараф этиш мақсадида иш берувчилар томонидан 1 миллиард 232,7 миллион сўм сарфланди. Жисмоний ва юридик шахслардан тушган жами 8 мингдан ортиқ мурожаатни кўриб чиқиш жараёнида ходимларнинг бузилган ҳуқуқларини тиклашни сўраб иш берувчиларга киритилган 76 та тақдимноманинг 63 таси, судларга киритилган жами 44 та даъво ва бўйруқ тартибдаги аризалардан 41 таси қаноатлантирилди. Кўриб чиқиш натижаларига кўра, 120 нафардан ортиқ шахсининг ҳуқуқлари тикланиб, ходимлар фойдасига 484,6 миллион сўм зарар ундирилишига эришилди. Мажлис жараёнида, шунингдек, Кен-

МУҲИМ МАСАЛАЛАР МУҲОКАМАСИ

Давлат муассасалари ва жамоат хизмати ходимлари касаба уюшмаси Республика кенгашининг IX Мажлиси ҳамда Ижроия қўмитасининг йиғилиши бўлиб ўтди.



гашнинг Ташкилий ишлар бўлими мудир Ахмадилло Шокиров маъруза қилди. Унинг таъкидлашича, Давлат муассасалари ва жамоат хизмати ходимлари касаба уюшмаси Республика Кенгаши ва ижтимоий ҳамкор ташкилотлар ўртасида 41 та тармок жамоа келишуви амал қилмоқда. Хусусан, Ўзбекистон Мудофаасига кўмаклашувчи «Ватанпарвар» ташкилоти ҳамда Ўзбекистон Либерал-демократик партияси билан янги муддатта, Ижтимоий ҳимоя миллий агентлиги, Оила ва хотин-қизлар қўмитаси, Ўзбекистон маҳалалари уюшмаси, Ўзбекистон Экологик партияси билан олиб борилган музокаралар натижасида илк мартаба тармок жамоа келишувлари тузилди.

2024 йилнинг март-апрель ойларида тармок тизимидаги 2777 та корхона, ташкилот ва муассасанинг 2758 таси (99,3 фоизи)да жамоа шартномалари бажарилиши якунлари бағишланган умумий йиғилиш (конференция)лар юқори савияда ташкил этилди. Бундан ташқари, меҳнатни муҳофаза қилиш йўналиши бўйича жамоа шартномаларида кўзда тутилган жами 50 минг 29 та тадбирни амалга оширишга 24 миллиард 694 миллион сўмдан ортиқ маблағ сарфланди.

2024 йил давомида корхона, ташкилот ва муассасаларда касаба уюшмаларига аъзолик афзалликларини тушунтириш ва тарғибот қилиш соҳасида олиб борилган ишлар натижасида 1682 та корхона ва ташкилотлардаги 126 минг 520 нафар ходим касаба уюшмаси аъзолигига жалб этилди. Яна бир гап. Сўнгги йилларда Ўзбекистон касаба уюшмалари Федерацияси томонидан мамлакатимизда касаба уюшмалари фаолиятининг тарихини ўрганиш ва кенг жамоатчиликка етказиш борасида бир қатор ишлар амалга оширилди. Мажлисида Ўзбекистон касаба уюшмалари ҳаракатининг 120 йиллиги тўғрисида Федерация раиси маслаҳатчиси Хаётжон Шарипов маъруза қилди.

Мажлисида Давлат муассасалари ва жамоат хизмати ходимлари касаба уюшмаси Республика кенгашининг Қорақалпоғистон Республикаси, вилоятлар ва Тошкент шаҳар кенгашларида, шунингдек, тизимдаги барча куйи касаба уюшма ташкилотларида Ўзбекистон касаба уюшмалари ҳаракатининг 120 йиллигини кенг нишонлаш, мазкур юбилей санасини кенг жамоатчиликка етказиш учун тизимли тарғибот-ташвиқот ишларини кучайтириш 2025 йилдаги фаолиятнинг устувор вазифалари-

дан бири этиб белгиланди.

Давлат муассасалари ва жамоат хизмати ходимлари касаба уюшмаси Республика кенгаши Ижроия қўмитасининг йиғилишида эса «Ўзбекистон – 2030» стратегиясини «Ёшлар ва бизнесни қўллаб-қувватлаш йили»да амалга оширишга оид давлат дастури» ижросини таъминлашга кўмаклашиш бўйича Кенгаш дастурининг 2024 йилда бажарилиши, Кенгаш Ижроия қўмитасининг 2024 йил 9 февралдаги 6-8 «с»-сонли қарори ижроси юзасидан амалга оширилган жамоатчилик назорати якунлари таҳлил қилинди. Шунингдек, ходимларнинг ижтимоий-иқтисодий ҳуқуқ ва манфаатларига тааллуқли норматив-ҳуқуқий ҳужжатларга ҳамда техник жиҳатдан тартибга солиш соҳасидаги норматив ҳужжатларга риоя этилиши устидан жамоатчилик назоратини амалга ошириш бўйича қўшимча чора-тадбирлар, Ижроия қўмита йиғилишлари оралигида қабул қилинган қарорларни тасдиқлаш каби масалалар кўриб чиқилиб, масъулларнинг ахбороти тингланди ва тегишли қарорлар қабул қилинди.

Ғулмжон МИРАХМЕДОВ «ISHONCH»

Фаргона вилояти ҳокимлигида «Аёллар дафтари»нинг 5-босқичи доирасида амалга оширилган ишлар якуни ҳамда 2025 йилдаги вазифаларга бағишланган йиғилиш бўлиб ўтди.

ОЛТИНЧИ БОСҚИЧ ОЛДИДАН

Унда вилоят касаба уюшма фаоллари, шаҳар ва туманлар ҳокимлари, секторлар раҳбарлари, бошқарма, ташкилот ва корхона раҳбарлари иштирок этдилар.

Йиғилишда «Аёллар дафтари» тизимининг 5-босқичи доирасида 2024 йил давомида вилоятда амалга оширилган ишлар ҳамда 2025 йилдаги вазифалар муҳокама қилинди.

«Аёллар дафтари»нинг 5-босқичи доирасида 800 мингдан ортиқ 30 ёшдан юқори бўлган хотин-қиз ўрғина тасида анкета-сўровномалар асосида хатлов ишлари амалга оширилди. Хатлов якунларига кўра, 6 та тоифа бўйича 109 минг 506 нафар хотин-қиз «Аёллар дафтари»га киритилди. Уларнинг ҳаётида муносиб ўринларини топиб, доимий даромадга эга бўлишлари учун амалий кўмак кўрсатилди.

Йиғилишда 2025 йилдан «Аёллар дафтари»нинг 6-босқичи бошланиши маълум қилиниб, аниқ вазифалар белгиланган бўлиб берилди. Янги йилдан «Маҳалла еттичилиги» секторлар ишчи гуруҳлари билан биргаликда анкета-сўровнома асосида хотин-қизларнинг барча йўналишдаги муаммоларини уйма-уй юриб ўрганилади.

Ўзбекистон касаба уюшмалари Федерациясидан Фаргона вилоятига бириктирилган вакил – вилоят штаби раҳбари Абдугаффор Салихов бу борадаги вазифалар ҳақида сўз юритди.

Жамшид ЭРҒАШЕВ «ISHONCH»



ТАРАҚҚИЁТ КЎПРИГИ



2024 йил тарихий воқеаларга бой бўлди. Уларнинг асосийларидан бири Амударё узра қурилган навбатдаги кўприкдир. Аслида бу Орлобўйи аҳолисининг асрий орзуси эди. Айниқса, дарёнинг икки томонида яшовчи Амударё тумани аҳолисининг асрий орзуси эди. Айниқса, дарёнинг икки томонида яшовчи Амударё тумани аҳолисининг асрий орзуси эди. Айниқса, дарёнинг икки томонида яшовчи Амударё тумани аҳолисининг асрий орзуси эди. Айниқса, дарёнинг икки томонида яшовчи Амударё тумани аҳолисининг асрий орзуси эди.

Мен ўттиз йилга яқин Амударё туманидан Нукус шаҳрига қатнаб ишлаганман. Кўприкнинг ҳолатига қараб, аслида бир соатлик манзилга бир кунда борган вақтларим кўп бўлган. Ўтган асрнинг 80-йилларида кўприк ишламаган пайтлари неча марта Туркманистон орқали Нукусга бориб келганман. Тонг қоронгусида уйдан чиқиб, Хоразм вилоятига бориб, Урганчдан Берунийга ўтган ва Нукусга тун ўққанда кириб борган кунларим хали-хануз ёдимда. Нега марта паромда ўтганмиз. Йиллар давомида кўприкнинг ноқулайликлари ортиб бораверди. У тез-тез таъмирланар,

кўпинча машинанинг таги кўприкка тегиб қолмасин деб, улдовдан тушиб пиёда ўтардик. Қанча машиналарнинг балони тешилганини кўрганман. Булар-ку, майли. Дарёнинг нарғида турувчи қариндошларнинг тўйига, маъракасига, жанозасига боролмай, афсус чекканлар қанча эди. Янги кўприк чинакам тараққиёт, юксалиш кўпригидир. У юз йиллар давомида халқимизнинг фаровон турмуш кечириши учун хизмат қилишига ишонамиз. **Норбой Тўрабоев,** фахрий журналист Амударё тумани

Поёнига етган йил сизу бизнинг ҳаётимизда қандай из қолдирди? Уйлайманки, бу саволга жавоб бермоққа оғиз жуфтлаган ҳар қайси ватандошимизнинг 2024 йил билан боғлиқ мазмунли, яхши хотираларга бой, жўшқин ҳикоялари бор. Гапнинг сираси, одамларнинг онгу шуури ҳам, турмуш тарзи ҳам йилдан йилга ўсиб бормоқда. Атрофга боқсангиз, қаттаю кичик тинимсиз ҳаракатда – меҳнат қилган борки, орзу-умидлари сари яқинлашапти.

2024 - ЭСДА ҚОЛАДИГАН ЙИЛ БЎЛДИ

Орта қолган йилни бутун жамяят, жумладан, андижонликлар ҳам кўп яхши воқеалар билан хотирлашга шубҳа йўқ. Чунки зикр этилаётган вақтда элга нафис тағдирган ишлар кўлами кенгайди-да. Аввало, уч йил олдин пойдевори қўйилган, қарийб 411 миң аҳолига мўлжалланган Янги Андижон шаҳарчасида 2024 йилда ҳам бунёдкорлик ишлари жадал олиб борилади. Инфрамувожа объектлари барпо этилди. Бунинг ҳисобига айни даврда юзлаб оилалар янги уйлари кўчиб ўтди. Бу жараён изчил давом этилпти. Меҳмон келган уйда барақа бўлади, деган гап бор. Шу маънода ўтган йили андижонликлар ҳудудда ташкил этилган халқаро тадбирлар баҳонасида ўн минглаб меҳмонларга бағрини очди. Биргина мисол. Хонобод шаҳрида ташкил этилган уч кунлик «Дунё садолари» фестивали доирасида ҳудуддаги меҳмонларга хизмат кўрсатувчи дала ҳовли ва уй меҳмонхоналари сони 1900 тадан 6 миңга етган. Хонободдаги савдо ва хизмат кўрсатиш билан шугуллануви тадбиркорлик субъектлари сони эса 5 баробар ортган. Тадбир баҳонасида бу сўлим шаҳарнинг туристик имкониятлари синновдан ўтиб, йил давомида турли минтақалардан дам олишга келувчи сайёҳлар сони ортганлиги ҳам бор гап. Бу эса, энг аввало, тадбиркорлик ва хизмат кўрсатиш фаолияти билан банд бўлган маҳаллий аҳолининг даромадини, турмуш фаровонлигини оширишга хизмат қилапти.



БАЙРАМ ШУКУҲИ

Наманган шаҳридаги «Афсоналар водийси» боғида қад ростлаган арчанинг баландлиги 43,4 метр. Ҳозирча у Марказий Осиёдаги энг баланд Янги йил арчаси бўлиб қолмоқда. Сайёҳларнинг сеvimли маскани бўлган ушбу кўнгличар маскандан юртимиздаги энг баланд – 92 метрлик томоша чархалаги ҳам мавжуд. Наманганлик ёшлар Давлатобод туманидаги «Ёшлар зиё маскани» кутубхонасида ўзгача кўринишдаги арчани безатишди. Унинг баландлиги қарийб 3 метр бўлиб, 3 миңдан ортик китоблардан иборат. Наманган вилояти ҳокими Шавкат Абдуразақов бошчилигидаги делегация Қорақалпоғистон Республикасининг Қораўзақ туманидаги кам таъминланган 50 нафар фуқарога мотокультиватор, тикув машинаси, маиший буюмлар, шунингдек, ижтимоий ҳимояга мухтож оилаларнинг 400 нафарга яқин фарзандига Янги йил совғалари топширди. **Анваржон ҲАЛИМОВ «ISHONCH»**

Сизга тавсия этамиз!

ТАРИХИЙ ХАРИТАЛАРДА ЎЗБЕКИСТОН



«Ishonch»нинг YouTube даги саҳифаларида ушбу суҳбатни батафсил кўринг!



БОЛАЖОНЛАР ҚУВОНЧИ

Ўзбекистон касаба уюшмалари Федерациясининг Навоий вилояти кенгаши раиси Назира Тоғоева Хатирчи туманидаги «Чангир» маҳалласида яшовчи беш нафар оғир ижтимоий вазиятдаги хотин-қизларнинг хонадонига бориб, уларни байрам билан табриқлади. Янги йил совғаларини топширди. Ўзбекистон касаба уюшмалари Федерациясининг Навоий вилояти кенгаши томонидан болажонлар учун ажойиб байрам тадбири ташкил этилди. Унда турли хил кўнгличар дастурлар, кизикarli ўйинлар, рақслар ва қўшиқлар ижро этилди. Болажон Янги йил арчаси атрофида Қорқоз билан рақсга тушди. Байрамда иштирок этган барча болажонларга совғалар улашилди. Таъкидлаш ўринлики, бу каби хайрли тадбирлар Ўзбекистон касаба уюшмалари Федерацияси Навоий вилояти кенгаши томонидан мунтазам амалга ошириб келинмоқда. **ЎЗА**

ОЛИС ХУДУДДАГИ ЎҚУВЧИЛАР ЙЎҚЛАНДИ

Жойларда Янги йил байрами тадбирлари қизғин кечмоқда. Жиззах вилояти педагогик маҳорат маркази бошланғич касаба уюшмаси кўмитаси ҳамда вилоят Директорлар кенгаши ташаббуси билан Янги йил байрами арафасида энг олис ҳудуддаги мактаб ўқувчилари учун байрам тадбири ташкил этилиб, иштирокчиларга совғалар топширилди.

Бу хайрли ташаббус педагогик маҳорат маркази жамоасининг корпоратив байрам тадбиридан воз кечиб, унинг ўрнига олис ҳудудларда жойлашган умумтаълим мактаблари ва мактабгача таълим ташкилотлари жамоаси билан яқиндан мулоқот қилиш, таълим ва ўқув жараёни билан танишиш мақсадида ташкил этилди. Илк тадбир Форинш туманидаги 50-сонли умумтаълим мактаби ўқувчилари ҳамда маҳаллада янги ташкил этилган оилавий мактабгача таълим муассасаси тарбияланувчилари иштирокида ўтказилди. – Очиги, бундай ташрифни ҳечам кутмаган эдик, – дейди мактаб директори Дилшода Сунонова. – Жиззах вилояти педагогик маҳорат мар-

кази жамоаси мактабимизга ташриф буюриб, ўқитувчиларга елкадош, ҳамкор эканини яна бир бор намойиш этди. Фақат ижтимоий ҳимояга мухтож ўқувчиларга эмас, балки барчага бирдек совға улашилганидан болалар жуда хурсанд бўлишди. Дарбоза маҳалласида жойлашган мазкур мактаб туман марказидан 270 километр узокликда жойлашган. Мактаб 80 нафар ўқувчига мўлжалланган бўлиб, бутун унда 59 нафар ўқувчи таълим олмақда. Педагогик маҳорат маркази ходимлари мактабдаги таълим, спорт ва бошқа қўшимча тўғарақлар фаолияти билан танишди. Бошқа вилоятлардан келган ўқитувчилар билан шарт-шароитлар ҳусусида

суҳбатлашди. Сўнгра ҳар бир синфдаги ўқувчиларга ширинликлардан иборат совғалар тарқатилди. Шунингдек, «Олис ҳудуд» дастури бўйича республиканинг турли ҳудудларидан келиб, шартнома асосида ишлаган 7 нафар ўқитувчига эсдалик совғалари берилди. – Бу мактабга бориб-келиш учун бир кун вақт кетди, жуда узок йўл босдик, – дейди Жиззах вилояти педагогик маҳорат маркази бошланғич касаба уюшмаси кўмитаси раиси Достон Норбеков. – Аммо ўқувчилар ва тарбияланувчилар юзидagi қувончи кўриб, чарчоларимиз тарқаб кетди. Шуниси муҳим, шуниси қувончи! **Муқимбой ИСМОИЛОВ «ISHONCH»**





ЎЗБЕКИСТОН ТАШАББУСИ БИЛАН 2027 ЙИЛ ХАЛҚАРО БАРҚАРОР ВА ЯШОВЧАН ТУРИЗМ ЙИЛИ ДЕБ ЭЪЛОН ҚИЛИНАДИ

26 февраль куни Нью-Йорк шаҳридаги БМТ бош қароргоҳида Ташкилот Бош Ассамблеяси томонидан «2027 йил – Халқаро барқарор ва яшовчан туризм йили» резолюцияси бир овоздан маъқулланди.

Хужжат Ўзбекистон Республикаси Президенти Шавкат Мирзиёев 2023 йилнинг октябрида Самарқандда бўлиб ўтган БМТ Жаҳон сайёҳлик ташкилоти Бош Ассамблеяси сессиясида туризм соҳасининг янги муаммолар ва замонавий хатарлар олдида барқарорлиги ва мослашувчанлиги борасида билдирган фикрларга асосланган.

МУСТАҲҚАМ ИШОНЧ ВА ДЎСТЛИК, ОҒЗИБИРЛИК ВА ҲАМКОРЛИК КЎПРИГИ

29 февраль куни Қорақалпоғистон Республикаси Амударё туманида янги кўприк очилди.

Кўприкнинг узунлиги – 423 метр. У билан бирга Шовот-Қораўзак бекатларини боғлайдиган 85 километрлик темир йўл ҳамда 3 та вокзал ҳам барпо этилди.

Кўприк икки тарафга қараб 24 жуфт поездни ўтказиш имкониятига эга бўлиб, бу орқали темир йўл масофаси 180 километрга, юк ташиш тезлиги эса 6 соатгача қисқарди.



ЮКСАК ЭЪТИРОФ



**Антониу Гутерриш,
БМТ Бош қотиби:**

– Президент Шавкат Мирзиёевни минтақадаги кўприк ўрнатувчи ташаббускор, тинчлик элчиси, десам муболага бўлмайди. Айни вақтда адолатга асосланган фаровонликни ташкил қилиши ва уни ўрнатили бўйича жуда фаол иш олиб бормоқда.

30 июнь – 1 июль кунларида Бирлашган Миллатлар Ташкилоти Бош қотиби Антониу Гутерриш расмий ташриф билан мамлакатимизда бўлди.

Ўзбекистондан – 2024 ЙИЛДАГИ

ШАМОЛДАН НУР ВА ҲУЗУР

19 август куни Қорақалпоғистон Республикасида шамол электр станциялари қурилиши бошланди.

Биринчиси – Хитойнинг «Sany Renewable» компанияси томонидан Қўнғирот туманида қуриладиган қиймати 1 миллиард 200 миллион долларлик, 1 гигаваатт қувватли шамол электр станцияси. Иккинчиси – Саудия Арабистонининг «ACWA Power» компанияси билан ҳамкорликда Беруний ва Қораўзак туманларида ташкил этиладиган қиймати 250 миллион долларлик 100 мегаватт электр энергиясини сақлаш тизимига эга 200 мегаватт қувватли шамол электр станцияси.

Шунингдек, Қўнғирот туманида шамол турбинаси қисмлари, миноралари ва паррақларини ишлаб чиқариш бўйича корхоналар қурилиши ҳам бошланди. Бундан ташқари, Нукус туманида 24 миллион доллар инвестиция ҳисобига йилга 20 миллион донга иситиш радиаторлари ишлаб чиқариш йўлга қўйилади.

Шу куни давлатимиз раҳбари рамзий тугмани босиб, янги иншоотларнинг қурилиши ва фаолиятини бошлаб берди.



ПРЕЗИДЕНТИМИЗ ТУРКИЯНИНГ ОЛИЙ ДАВЛАТ МУКОФОТИ БИЛАН ТАҚДИРЛАНДИ

7 июнь куни Анкара шаҳрига ташриф доирасида Ўзбекистон Республикаси Президенти Шавкат Мирзиёевни «Туркия Республикаси нишони» билан тақдирлаш маросими бўлиб ўтди.

Қардош мамлакатнинг олий давлат мукофотини Ўзбекистон етакчисига Туркия Президенти Режеп Таййип Эрдоган тантанали равишда топширди.



МАРКАЗИЙ ОСИЁ ДАВЛАТЛАРИ РАҲБАРЛАРИНИНГ ФАҲРИЙ НИШОНИ

9 август куни Қозғистоннинг Остона шаҳрида бўлиб ўтган Марказий Осиё давлатлари раҳбарларининг олтинчи Маслаҳат учрашуви доирасида Ўзбекистон Республикаси Президенти Шавкат Мирзиёевга минтақа давлатлари ўртасидаги дўстлик, қўшничилик ва ўзаро англашувни ривожлантиришдаги алоҳида хизматлари учун Марказий Осиё давлатлари раҳбарларининг Фахрий нишонини тантанали топшириш маросими бўлиб ўтди.



НАВОИЙ ДАҲОСИГА ЭЪТИРОМ



8 август куни Остона шаҳрида ўзбек халқининг буюк фарзанди, шоир ва мутафаккир Алишер Навоий ҳайкали очилди.

ШАВКАТ МИРЗИЁЕВГА ҚОЗОҒИСТОННИНГ «ОЛТИН ҚИРОН» ОРДЕНИ ТОПШИРИЛДИ

8 август куни Остона шаҳрида Ўзбекистон Республикаси Президенти Шавкат Мирзиёевни Қозғистон Республикасининг «Олтин Қирон» («Олтин бургут») ордени билан тақдирлаш маросими бўлиб ўтди.

«Олтин Қирон» олий ордени билан давлат арбоблари Қозғистон билан дўстона муносабатларни мустаҳкамлашга қўшган улкан ҳиссаси учун тақдирланади.



BYD ЗАВОДИДАН ИЛК ЭЛЕКТРОМОБИЛЛАР

Жиззах вилоятидаги «BYD Uzbekistan Factory» қўшма корхонасида илк электромобиллар ишлаб чиқарила бошланди. Президент Шавкат Мирзиёев 27 июнь куни ушбу инновацион заводни келиб кўрди.

Бу – мамлакатимиз автосаноатида янги босқич, улкан тарихий воқеа. Мазкур завод шу йил январда давлатимиз раҳбарининг Хитойга ташрифи чоғида фаолият бошлаган эди. Бу қиймати 160 миллион долларлик лойиҳанинг биринчи босқичи бўлиб, йилига 50 минг донга электромобил ишлаб чиқариш қувватига эга.



ЗОМИН ДУНЁ НИГОҲИДА



Жиззах вилоятининг Зомин туманида 27-30 июнь кунлари II Халқаро мақом санъати анжумани бўлиб ўтди.

Фестивалда Осиё, Европа, Шимолий ва Жанубий Америка, Африка қитъаларининг 80 дан орტიқ мамлакатидан қарийб 400 нафар меҳмон иштирок этди.

«ОҚҚУШ» ГИННЕСНИНГ РЕКОРДЛАР КИТОБИДА

Нукус шаҳридаги «Оққуш» мажмуасида жойлашган ўтов дунёдаги энг катта ўтов сифатида Гиннеснинг рекордлар китобига киритилди. Унинг диаметри 40,5 метрни ташкил қилади.

22 август куни ушбу мажмуада Гиннес рекордлар китоби сертификатининг тантанали топшириш маросими ўтказилди.



УЛУҒ ИЖОДКОРГА МУНОСИБ ЁДГОРЛИК

16 май куни Тошкент шаҳрида миллий эстрада санъати асосчиси, Ўзбекистон халқ артисти Ботир Зокиров ҳайкали очилди.

Янги Ўзбекистонга...

24 МУҲИМ ВОҚЕА

ТУРКМАН ХАЛҚИНИНГ ЭҲТИРОМИ



12 октябрь куни Ўзбекистон Президенти Шавкат Мирзиёев Махтумқули Фирогий таваллудининг 300 йиллигига бағишланган медал билан тақдирланди.

Туркман халқининг миллий етакчиси, Туркменистон Халқ Маслаҳати Раиси Гурбангули Бердимухамедов давлатимиз раҳбарига «Махтумқули Фирогийнинг 300 йиллиги» эсдалки медалини тантанали равишда топширди.



ХАЛҚА ЙЎЛИДАГИ БУНЁДКОРЛИКЛАР

Тошкент халқа йўлининг Мирзо Улуғбек туманидан ўтган қисмида муҳим бунёдкорлик ишлари амалга оширилди.

Бу йўл пойтахтимиз ва Тошкент вилоятининг бир неча туманларини боғлайди. Сўнгги йилларда катнов сезиларли ортди. Шуларни инобатга олиб, бу ерда замонавий транспорт ечими қўлланилди. Кўчанинг Буюк ипак йўли билан кесинмасида йиғма темир конструкцияли йўл ўтказгич қурилди. Кўча бўйларига электрон шаклда бошқариладиган тунги ёритиш тизими, акли светофорлар ўрнатилди. Ўн учта бекат қурилди. Худуд кўкаламзорлаштирилиб, манзарали дарахт кўчатлари ўтказилди.

МАМЛАКАТ ТАРИХИДА ИЛК БОР АРАЛАШ САЙЛОВ ТИЗИМИ

27 октябрь куни Ўзбекистон Республикаси Олий Мажлиси Қонунчилик палатаси ва маҳаллий Кенгашлар депутатлари сайлови бўлиб ўтди. Парламент сайлови мамлакат тарихида илк бор аралаш сайлов тизими – мажоритар ва пропорционал сайлов тизими асосида ўтказилди.



ХАЛҚ ҲАРАКАТИГА АЙЛАНГАН ТАШАББУС

Давлатимиз раҳбари ташаббуси билан бунадан уч йил аввал бошланган «Яшил макон» умуммиллий лойиҳаси чинакам халқ ҳаракатига айланди.

Кейинги 3 йилда мамлакатимиз бўйича жами 646 миллион туп кўчат ва буталар экилган. Оролбўйида яшил қоплама 2 миллион гектардан ошган.



«ДЎСТЛИК» – ДЎСТЛИК РИШТАЛАРИ УЧУН

24 октябрь куни Қозон шаҳрида Ўзбекистон Республикаси Президенти Шавкат Мирзиёевни Татаристон Республикасининг давлат мукофоти – «Дўстлик» ордени билан тақдирлаш маросими бўлиб ўтди.

Президентимиз ушбу ордени билан Ўзбекистон ва Татаристон ўртасидаги ҳамкорликни ривожлантириш, халқлар ўртасида дўстлик ва ўзаро англашувни мустаҳкамлашга қўшган улкан ҳиссаси учун мукофотланди.



ЎЗБЕКИСТОНЛИК АЁЛ ДУНЁНИНГ «100 НАФАР АЁЛИ» РЎЙХАТИГА КИРДИ

ВВС 2024 йил учун дунёнинг 100 нафар илҳомлантирувчи ва таъсирли аёллар рўйхатини эълон қилди. Улар орасида тинчлик бўйича Нобель мукофоти совриндори Надя Мурад, актриса Шэрон Стоун ва ўзбекистонлик тадбиркор Дилором Йўлдошева бор эди.

13 декабрь куни Президент Шавкат Мирзиёев фармони билан Сурхондарё вилояти Денов туманидаги яқка тартибдаги тадбиркор, тикувчи Дилором Юлдашева «Мардлик» ордени билан мукофотланди.

ЭНЕРГЕТИКА СОҲАСИДАГИ ТАРИХИЙ ВОҚЕА

Пойтахтимиздаги Халқаро конгресс марказида Президентимиз Шавкат Мирзиёев иштирокида энергетика соҳасида янги қувватларни ишга тушириш ва навбатдаги лойиҳалар қурилишига старт бериш маросими бўлиб ўтди.

Маросимда қиймати 3,7 миллиард долларлик 18 та янги қувватлар ишга туширилиб, навбатдаги 6 та лойиҳа қурилишига старт берилди.

Хусусан, Бухоро, Навоий, Наманган ва Тошкент вилоятларида бешта кўш ва шамол электр станцияси ҳамда бешта юқори қувватли подстанция ишга туширилди. Шунингдек, мамлакатимизда илк бор Андижон ва Фарғонада йирик электр энергиясини сақлаш тизими барпо этилди.

Қашқадарёда электр станцияси, Тошкент шаҳрида замонавий когенерация қурилмаси, Андижон, Сурхондарё ва Тошкент вилоятларида гўртта кичик ГЭС фойдаланишга топширилди.

Фарғона, Самарқанд, Навоий, Тошкент вилоятлари ва пойтахтимизда 2,5 минг мегаваттлик олти электр қувватлари қурилиши бошланди.



ОЛИМПИАДАДАГИ ТАРИХИЙ НАТИЖАЛАР



Ўзбекистон спорт делегацияси 26 июль – 1 август кунлари Франция пойтахти Парижда бўлиб ўтган ёзи Олимпиада ўйинларида тарихий натижага эришди. Умумий ҳисобда 13 та (8 та олтин, 2 та кумуш ва 3 та бронза) медалини қўлга киритган юртдошларимиз нуфузли халқаро мусобақада катнашган 206 та мамлакат вакиллари орасида 13-ўринни эгаллади. Бу – Осиё қитъасида туртинчи, МДХ давлатлари, Ислом олами ва туркий дунё мамлакатлари орасида эса энг яхши натижа бўлди.

28 август – 8 сентябрь кунлари бўлиб ўтган «Париж – 2024» Паралимпия ўйинларида эса 168 та мамлакатдан 4,4 минг нафар параспортчи спортнинг 22 та тури бўйича баҳс олиб борди. Унда Ўзбекистондан 9 та спорт тури бўйича 65 нафар спортчимиз иштирок этди.

Мазкур мусобақада Ўзбекистон ўз тарихида энг яхши натижани қайд этиб, 6 та спорт туридан жами 26 та, жумладан, 10 та олтин, 9 та кумуш, 7 та бронза медалини қўлга киритди.

2 МИЛЛИАРД ДОЛЛАРЛИК 9 ТА ЛОЙИҲА

14 октябрь куни Янгийўл туманида Тошкент вилоятидаги муҳим лойиҳаларни ишга тушириш ва қурилишини бошлаш маросими бўлиб ўтди.

Унда Президент Шавкат Мирзиёев маросим доирасидаги лойиҳаларнинг аҳамиятига тўхталиб ўтди.

Рамзий тугма босилиб, мазкур 9 та лойиҳанинг қурилиши ва фаолиятига старт берилди. Уларнинг умумий қиймати 2 миллиард доллардир.



САМАРҚАНДДА ЯНА ШАРҚ ТАРОНАЛАРИ ЯНГРАДИ

26-30 август кунлари Самарқандда «Шарқ тароналари» XIII халқаро мусика фестивали бўлиб ўтди.

Унда 80 га яқин давлатдан 400 нафардан зиёд санъаткор ва олимлар катнашди.

«ХИТОЙ – ҚИРГИЗИСТОН – ЎЗБЕКИСТОН» ТЕМИР ЙЎЛ МАГИСТРАЛИ ҚУРИЛИШИ БОШЛАНДИ

27 декабрь куни Қирғизистоннинг Жалолобод шаҳрида «Хитой – Қирғизистон – Ўзбекистон» темир йўл магистрали қурилишига бағишланган тантанали маросим бўлиб ўтди.

Ушбу йирик инфратузилма лойиҳаси юқори экологик меъёрларга риоя қилган ҳолда, илгор муҳандислик, инновацион ва рақамли ечимлар асосида кенг ҳамкорликни назарда tutади. «Қашкар – Торуғарт – Макмал – Жалолобод – Андижон» йўналиши бўйлаб 20 та бекат, 42 та кўприк ва 25 та туннель қурилади. Бунинг устига, замонавий транзит-логистика инфратузилмаси, омборхона ва терминаллар барпо этилади. Хитойдан Европа мамлакатларига юкларни етказиб бериш масофаси ва муддатлари бир неча минг километрга ва қарийб бир haftaга қисқаради. Мунтазам йўловчи ташишни йўлга қўйиш имконияти пайдо бўлади. Келажакда ушбу темир йўл линияси ва Трансафғон йўлининг туташтирилиши Хитой, Марказий ва Жанубий Осиёнинг транспорт-коммуникация алоқадорлигини самарали боғлаш ва мустаҳкамлаш имконини беради.





2024 йил мамлакатимиздаги бошқа соҳалар каби Ўзбекистон касаба уюшмалари Федерацияси учун ҳам муҳим ўзгаришлар, ютуқлар, тарихий воқеаларга бой бўлди. Куйида «Ishonch» газетаси улардан энг муҳим деб топган 24 тасини кўрсатишга ҳаракат қилди.

Муҳташам сув спорти саройи



Президент Шавкат Мирзиёев 7 июнь куни пойтахтимизда олиб борилаётган бунёдкорлик ишлари билан танишиш асносида Яккасарой туманида қад ростлаган Ўзбекистон касаба уюшмалари Федерациясининг Сув спорти саройига ташриф буюрди. Мажмуадаги шарт-шароитларни кўздан кечириб, ёш спортчиларнинг машғулотларини кузатди. Самимий мулоқотларда уларнинг интилишларини қўллаб-қувватлаб, улкан ютуқларга руҳлантирди.

«Vatan» журнали нашр этила бошлади

2024 йилда Ўзбекистон касаба уюшмалари Федерацияси муассислигидаги «Vatan» журнали нашр этила бошлади. Йил давомида унинг тўртта сони чоп этилиб, кенг жамоатчилик ва зиёлилар эътирофига сазовор бўлди.



ЯНГИ

ЯНГИ КАСАБА

Жильбер Унгбо: Ўзбекистон ижтимоий меҳнат муносабатларида юқори натижаларга эришмоқда



Июль ойининг бошида пойтахтимиздаги Касаба уюшмалари саройида мамлакатимизга расмий ташриф билан келган Халқаро Меҳнат Ташкилоти бош директори Жильбер Унгбо бошчилигидаги делегация билан Ўзбекистон касаба уюшмалари Федерацияси раҳбарияти учрашуви бўлиб ўтди.

Унда ушбу ташриф Ўзбекистон билан Халқаро Меҳнат Ташкилоти ўртасидаги ҳамкорликни янада мустаҳкамлашга хизмат қилиши таъкидланди.

Ўзбекистон – Қирғизистон касаба уюшмалари: икки томонлама ҳамкорлик тўғрисида битим

23 декабрь куни Ўзбекистон касаба уюшмалари Федерацияси ҳамда Қирғизистон касаба уюшмалари Федерацияси раҳбариятлари ўртасида учрашув бўлиб ўтди. Унда Ўзбекистон ва Қирғизистон касаба уюшмалари ўртасида икки томонлама ҳамкорлик тўғрисида битим имзоланди.



Янги ижтимоий шартнома: Европа ва Марказий Осиё касаба уюшмалари нигоҳида

12-13 ноябрь кунлари пойтахтимиздаги «Chinobod plaza» санаторийсининг Ўзбекистон касаба уюшмалари Янги Конгресс холлида «Янги ижтимоий шартнома: Европа ва Марказий Осиё касаба уюшмалари нигоҳида» мавзусида халқаро конференция бўлиб ўтди. Унда минтақа касаба уюшмалари учун умумий кун тартиби ва стратегия ишлаб чиқилиб, Тошкент халқаро конференцияси Резолюцияси қабул қилинди.

2024

«Хонқа» санаторийси – соғломлаштириш имкониятларининг олтин ҳалқаси



Оролбўйи минтақасида яшовчи юртдошларимизга муносиб байрам тухфаси бўлди.

Ўзбекистон касаба уюшмалари Федерацияси тизимида яна бир янги санаторий фойдаланишга топширилди. Хоразм вилоятининг Хонқа туманида жаҳон андозаларига мос, замонавий «Хонқа» санаторийси барпо этилди. Ушбу муаззам соғломлаштириш маскани мустақиллигининг 33 йиллиги олдидан халқимизга, хусусан,

2024 йилда жамоа шартномаларидаги ўзгаришлар туфайли 1 млн. дан ортиқ ходимнинг иш ҳақлари оширилди

Жамоа шартномаларига киритилган қўшимча имтиёз ва кафолатлар натижасида 24 мингдан зиёд корхона ва ташкилотларда қарийб 1,1 млн. нафар ходимнинг иш ҳақлари оширилиб, 2,5 млн. нафардан зиёд ходим асосий узайтирилган, 3,5 млн. нафардан ортиқ ходим эса йиллик қўшимча таътиллardan фойдаланмоқда.



«Кўҳинур» янада кўркамлашди

Баҳорнинг илк ойи сўнгида Куйи Чирчиқ туманидаги «Кўҳинур» санаторийсида Ўзбекистон касаба уюшмалари Федерацияси томонидан бунёд этилган, 180 ўринли маданий-маърифий тадбирларга мўлжалланган фаоллар зали ва ёпик сув ҳавзаси фойдаланишга топширилди.

Умуммиллий ҳаракатга айланаётган эзгу ташаббус

17 сентябрь куни Ўзбекистон касаба уюшмалари Федерацияси ва «Нуруний» жамғармаси Васийлик Кенгаши қўшма йиғилиш ўтказди ва мамлакатимизда камбағалликни қисқартириш бўйича олиб борилаётган ишларга барча юртдошларимизни даъват этиб, мурожаат билан чиқди.

Бош кенгаш мажлиси: устувор вазифалар белгилаб олинди

21 декабрь куни Ўзбекистон касаба уюшмалари Федерацияси Бош кенгашининг IX мажлиси бўлиб ўтди. Унда 2025 йилда касаба уюшмалари ташкилотларида ҳисобот сайловларни ўтказиш, IX қурултойни чақириш ҳамда Ўзбекистон касаба уюшмалари ҳаракатининг 120 йиллигини нишонлаш каби бир қатор масалалар кўриб чиқилиб, йил давомида бажариладиган устувор вазифалар белгилаб берилди.



Халқаро Меҳнат Ташкилоти дастури асосида: Гендерга оид аудит амалиёти бўйича координаторлар ўқуви

Ўзбекистон касаба уюшмалари Федерацияси Халқаро Меҳнат Ташкилоти билан биргаликда «ХМТ дастури: Гендерга оид аудит ўтказиш бўйича координаторларни сертификациялаш курси»да амалга оширилган таълим олиш лойиҳаси доирасидаги онлайн курсда Федерация тизимида фаолият олиб бораётган 10 нафар ходим ўз билимларини оширди.



Оқланган ишонч

2024 йилда Касаба уюшмалари инспекциялари томонидан 106 минг мурожаатчининг ҳуқуқлари тикланди.

ЎЗБЕКИСТОННИНГ

Уюшмалари

ЙИЛНИНГ

МУЖИМ ВОКЕАСИ

Ўзбекистон – Хитой касаба уюшмалари: ҳамкорликнинг янги уфқлари

Мамлакатимизда Умумхитой касаба уюшмалари Федерацияси вакилларидан иборат делегация меҳмон бўлди. 2024 йил 8 октябрь кунини Ўзбекистон касаба уюшмалари Федерацияси раҳбарияти ҳамда Умумхитой касаба уюшмалари Федерацияси раҳбарияти ўртасида учрашув бўлиб ўтди.



«Анор»да дўстлик сменаси

Москвадаги Stocus City Hall концерт мажмуасида содир этилган терактдан жабрланган оилаларнинг 100 нафар фарзанди ёзги таътилни юртимиздаги оромгоҳда ўтказди.

Соғломлаштириш оромгоҳлари: тажриба, амалиёт ва ҳамкорлик

Наврўз байрами арафасида Ўзбекистон касаба уюшмалари Федерациясининг масъул вакиллари Хитой Халқ Республикасининг Пекин шаҳрида ўтказилаётган болаларни дам олдириш ва соғломлаштириш соҳасини ривожлантиришга бағишланган Халқаро форумда иштирок этди.



БМТ координатори мамлакатимизда

Сентябрь ойида Ўзбекистон касаба уюшмалари саройида Ўзбекистон касаба уюшмалари Федерацияси раиси Қудратилла Рафиқов ва Бирлашган Миллатлар Ташкилотининг Ўзбекистон Республикасидаги доимий координатори Сабина Махл ўртасида учрашув бўлиб ўтди.



Ҳамкорлик янада кенгаяди

2024 йил 27 ноябрь кунини Душанбе шаҳрида Марказий Осиё давлатлари касаба уюшмалари Кенгашининг VI йиғилиши бўлиб ўтди. Унда ишчи-ходимларни ҳимоя қилиш ва ҳамкорликни янада мустаҳкамлаш масалалари муҳокама этилди. Учрашувда ўзаро ҳамкорликни кенгайтириш ва минтақанинг халқаро майдондаги ўрнини мустаҳкамлаш мақсадида мазкур Кенгаши Осиё мамлакатлари касаба уюшмалари Халқаро Конфедерациясига айлантириш ташаббуси илгари сурилди.



«Янгиер»да янги иншоот

Янгиер шаҳридаги «Янгиер» сихатгоҳида бу галги Наврўз байрами ўзгача бўлди. Бонси, айнан шу кунини масканда Ўзбекистон касаба уюшмалари Федерацияси томонидан бунёд этилган ёпик сузиш ҳавзаси фойдаланишга топширилди.



Дўстлик ришталари мустаҳкамланмоқда

Апрель ойида Ўзбекистон касаба уюшмалари Федерациясида Туркия Металлар иттифоқи касаба уюшмаси бош қотиби Талипхан Киймаз билан учрашув бўлиб ўтди.



Люк Триангл билан учрашув

28 октябрь кунини Ўзбекистон касаба уюшмалари Федерациясида мамлакатимизга ташриф буюрган Халқаро касаба уюшмалари Конфедерацияси Бош қотиби Люк Триангл раҳбарлигидаги делегация вакиллари билан учрашув бўлиб ўтди.



Ўзбекистон тажрибасини дунёга намуна сифатида кўрсатиш мумкин



Июль ойида пойтахтимизда «Бандлик ва ижтимоий ҳимояни уйғунлаштириш орқали Ўзбекистонда ижтимоий адолат таъминини мустаҳкамлаш» мавзусида халқаро конференция бўлиб ўтди.

Мавсум қандай ўтди?

2024 йилги соғломлаштириш давомида 1 413 та оромгоҳда қарийб 375 минг нафар, шу жумладан, 1 223 та соғломлаштириш майдончасида 212 минг нафардан зиёд, 190 та стационар оромгоҳда 162 минг 462 нафар, Федерация тасарруфидаги 77 та стационар оромгоҳда 76 минг 278 нафар бола соғломлаштирилди.




Ҳайрат, қувонч, шуқуҳ

Ўзбекистон касаба уюшмалари саройида 11 ноябрь – Ўзбекистон касаба уюшмалари кунини муносабати билан тантанали тадбир ташкил этилди.



Тикланган ҳуқуқлар

2024 йилда Касаба уюшмалари инспекциялари томонидан 4 минг 397 та ташкилотда жамоатчилик назорати ўтказилди. Келиб тушган 6 минг 105 та мурожаат кўриб чиқилди. Натижада 160 минг 19 нафар шахснинг ҳуқуқлари тикланиб, ходимлар фойдасига 108 миллиард 533 миллион сўм ундирилди.



ТОШКЕНТ МЕТРОСИНИНГ ЯНГИ ҚИЁФАСИ

**янги йўналишлар, янги
бекатлар, замонавий
эскалаторлар, ҳар томонлама
қулай ҳаракат**

Достонжон ЭРГАШЕВ,
«Тошкент метрополитени» ДУК
бошлиги ўринбосари

Кўпчиликка маълумки, Тошкент метрополитени 1977 йилда фойдаланишга топширилган. Бугун у буткул ўзгарган. Яъни эстакада услубидаги янги йўналишлар, янги бекатлар, замонавий эскалаторлар, ҳар томонлама қулай ҳаракат таркиблари – Тошкент метросини янги қиёфага келтирди.

Илгари, аниқроғи, 40 йил мобайнида Тошкент метрополитенининг бекатлари сони 29 та ва умумий узунлиги 38 километрдан иборат бўлган. Шуниси эътиборлики, кейинги олти йил давомида катта бунёдкорлик ишлари амалга оширилди. Натижада қўшимча 33 километрлик янги йўналишлар ва 21 та бекат қурилиб, фойдаланишга топширилди. Бугун метрополитен бекатлари сони жами 50 тани, йўналишлари узунлиги эса 71 километрни ташкил этади.

Шуни таъкидлаш жоизки, йўловчиларга хизмат кўрсатиш сони ва сифати йилдан-йилга ошиб бормоқда. Агар 2016 йилда 52 миллион нафар аҳолига хизмат кўрсатилган бўлса, 2023 йилда бу кўрсаткич 172 миллионни ташкил этди. Якунланаётган 2024 йилда эса 209 миллион нафар йўловчига хизмат кўрсатиш кутилмоқда. 2021 йилда бир кунда 280-300 минг йўловчига хизмат кўрсатилган бўлса, жорий йилда бу кўрсаткич 950-980 минг ва айни кунларда 1 миллионга етди.

Йўловчилар сони кўпайиши тирбандликлар пайдо қилиши мумкин, албатта. Бунинг олдини олиш ва йўловчиларнинг манзилига етиб бориш вақтларини қисқартириш мақсадида сўнгги уч йилда ҳаракат таркибларининг йўловчи ташини бўйича оралик вақти (интервал) қисқартирилди.

Тошкент метрополитенида 2021 йилгача 36 та поезд ҳаракатланган бўлса, кейинги уч йил давомида замонавий турдаги 29 та янги ҳаракат таркиблари харид қилинди. Натижада 2024 йилда поездлар сони 65 тага етказилди. 2025-2026 йилларда яна 26 та ҳаракат таркиблари харид қилиниши кўзда тутилган. Кўзланган мақсадга эришилгач, поездларнинг оралик вақтлари янада қисқартириш режалаштирилган.

Янги бекатларнинг ишга туширилиши ўз-ўзидан метрополитен ходимлари сонини кўпайтиришни талаб этади. Шунга кўра, кейинги уч йил мобайнида Тошкент метрополитени таркибий бўлинмаларига жами 4000 нафарга яқин ходим ишга қабул қилинди. Ҳозир уларнинг умумий сони 6000 нафардан ортди.

Қайд этиш керакки, сўнгги пайтларда йўловчиларга хизмат кўрсатиш сифати янада яхшиланиб, улар учун бир қатор қулайликлар яратилмоқда. Жумладан, ер ости бекатларида техник жиҳатдан эскирган эскалаторлар янгисига алмаштирилмоқда. Бу ишлар «Халқлар дўстлиги» ва «Новза» бекатларида муваффақиятли

МУҚОЯСА

Йўналишлар	2021 йил	2024 йил
Чилонзор йўналиши	5 дақиқада (16 та поезд)	1,5 дақиқада (28 та поезд)
Ўзбекистон йўналиши	6 дақиқада (9 та поезд)	3 дақиқада (16 та поезд)
Юнусobod йўналиши	11 дақиқада (6 та поезд)	4 дақиқада (11 та поезд)
Ўзбекистон Мустақиллигининг 30 йиллиги ер усти ҳалқа йўналиши	12 дақиқада (5 та поезд)	9 дақиқада (11 та поезд)

амалга оширилди. «Пахтакор», «Мустақиллик майдони» ва Ҳамид Олимжон бекатларида эса ишлар давом эттирилмоқда. Бундан ташқари, бешта бекатда иккинчи вестибулни очиш учун техник ишлар олиб борилмоқда. Метрода йўловчилар хавфсизлигини таъминлаш мақсадида бекатларнинг кириш нукталарида Ички ишлар ходимлари йўловчиларнинг қўл юкларини текширувдан ўтказишади. Хавфсизлик чораларини қучайтириш учун махсус қурilmалар, яъни металл детекторлар ҳам ўрнатилган. Бундан ташқари, тигиз вақтларда, яъни бекатлар йўловчилар билан гавжум бўлганда хавфсизлик тизими янада қучайтирилади. Жумладан, бекатларда Ички ишлар ва метрополитен ходимлари сони кўпайтирилади. Йўловчилар поездларга тартибли ва хавфсиз жойлашиши учун тизимли ишлар амалга оширилади. Метро-

политен бошқармасидан ҳар бир бекатга масъул раҳбар ходимлар бириктирилиб, улар навбатчилик асосида тигиз вақтлардаги ҳаракатланиш жараёнини назорат қилиб туришади.

Йўловчиларнинг муносабатлари ва тақлифларини инобатга олган ҳолда иш туриши – фаолиятимиздаги энг муҳим омиллардан бири. Фуқароларнинг муносабатларини қабул қилиш ва уларга жавоб бериш учун ижтимоий тармоқларда санифалар мавжуд. Бундан ташқари, юртдошларимиз фуқаролар билан ишлаш бўлимига, 71 245-56-03 телефон рақамига кўнгирок қилиб, ўз муносабати ва тақлифларини билдиришлари мумкин. Келиб тушган саволларга масъул ходимлар томонидан батафсил жавоб берилади.

Тошкент метрополитени раҳбарияти йўловчиларга турли қулайликлар яратиш мақсадида ҳамisha изланиб келмоқда. Масалан, бу сафарги Янги йил байрами арафасида, яъни 31 декабрь кун юртдошларимиз илгари ҳеч кузатилмаган янгиликка гувоҳ бўлиши. У ҳам бўлса, байрам муносабати билан Тошкент метрополитени илк маротаба 31 декабрь тонги соат 05:00 дан 1 январь тунги соат 02:00 гача йўловчиларга хизмат кўрсатди. Бинобарин, шу кун метро бекатлари иш вақти оdatдайдиган 2 соатга узайтирилди.

Таҳлиллар шундан dalolat берадики, бугун метрога бўлган талаб кун сайин ортди бормоқда. Барча талаб ва тақлифларини инобатга олган ҳолда, келгусида метрополитени тизимли равишда босқичма-босқич ривожлантириш кўзда тутилган.



Убайдулла ОМОН: ҲАР БИР ИЖРО – ИМТИҲОН

Тўғриси, маҳоратли бу актёримизни мен негадир ҳинд актёри Раж Капурга ўхшатаман. Сабоби, ҳар икки актёрнинг ижро маҳорати, роллари қайсидир жиҳатлари билан бир-бирига яқин. Қайратланарли томони шундаки, бу актёр нафақат томошабин, балки жонсиз камерага ҳам меҳр бера олади. Қаҳрамонимиз залворли фаолияти давомида буни исботлаб келмоқда. У бошқа актёрлар орасида шеърятни, мусиқани нозик тушуниши билан ажралиб туради. Ўзига берилган ҳар қандай ролни қойилмақом қилиб ижро этади. Билимсизликка, тартибсизликка мурасасиз. Қалби мусиқадек беозор бўлса-да, ҳамма нарсага кўниқиб кетавермайди. Театрнинг ҳақиқий фидойиси Убайдулла Омон ҳаёт ва санъат йўлларининг жуда кўп синовларида тобланган.

- Убайдулла Омоннинг ҳаётдаги фалсафаси қандай?
- Тўғрилик ва ҳалоллик. Мен шу йўлни танлаганман. Санъат оламига эндигина кадам қўяётган ёшларга ҳам ҳалол меҳнат қилиб, тўғри сўзни айтиб, ҳамisha эл-юрт дарди билан яшаш зарурлигини маслаҳат бераман.
- Агар актёр бўлмаганингизда қайси касбни танлардингиз?
- Ҳуқуқшунос, аниқроғи, терговчи бўлардим. Шунинг айтишим керакки, асл касбим актёрлик эмас, режиссёрман. Тошкент ва Санкт-Петербургдаги театр институтларида таҳсил олганман. Режиссёрлик фаолиятимда Бухоро ҳақида иккита ҳужжатли фильми суратга олганман. Шунингдек, Бухоро театрида ҳам мен сахналаштирган спектакллар қўйилган. Ёшлигимда пойтахтдаги Аббор Хидоятнов номидаги театрда ҳам ишлаганман. Биринчи спектаклим «Эзувчи Шухрат асари асосида сахналаштирилган «Беш кунлик қув»» бўлиб, у 700 марта қўйилган. Буларнинг бари ўтган асрнинг 70-йилларида бўлган воқеалар. Ҳозир халқ мени актёр сифатида билади.
- Убайдулла ака, сизни яхши сценарий асосида яратилган фильмга тақлиф қилинса, лекин актёрлар орасида энг ёши улугғи ва тажрибалиси сиз бўлсангиз, иштирок этармидингиз?
- Албатта. Ёш актёрларни қўллаб-қувватлаш, уларга йўл-йўриқ кўрсатиш мен учун шароф. Биласизми, мен ҳеч қачон «шогирд» деган сўзни ишлатмайман. Лекин интилувчан, изланувчан ҳар бир ёш актёрга ёрдам беришга тайёрман.
- Эшитишимизча, сиз мобил телефондан фойдаланмас экансиз...

- Очиғи, яширмайман, телефондан чўчийман. Ҳаётимда кетма-кет уч марта телефон орқали ёмон хабар эшитганман ва бу руҳиятимга ёмон таъсир қилган. Шушу телефон тутмайман.
- Пойтахтдаги режиссёрларга керак бўлсам, театрда ёки уйимга кўнгирок қилишади. Тўғриси, техникага умуман қизиқмайман, машина ҳам йўқ.
- Сиз учун театр нима?
- Театр – бу бошқача шаклдаги ҳаёт! Ҳар бир спектакль – актёр умрининг бир бўлағи, унинг қувонч ва мусибатлари, севгиси ва нафрати, ютуқлари ва мағлубиятлари. Театрда ҳаётни яшаймиз, ҳиссиётларни ҳис қиламиз, қаҳрамонларимиз билан бирга қулиб, бирга йнглаймиз. Театр ўзимизни ва ўзгаларни яхшироқ англашга, тушунишга ёрдам беради.
- Актёрликда нима муҳим?
- Албатта, ишонч. Актёр ўзига, ролига ва шерикларига ишончини керак. Агар ишонч бўлмаса, ҳеч нарса чиқмайди. Яъни ролни ишонарли ўйнамасангиз, томошабин уни ҳис қилмайди, унга ишонмайди.
- Энг сеvimли ролингиз?..
- Аслида ҳар бир ролим мен учун кадрли. Чунки ҳар бир ижро – мен учун янги тажриба, янги мактаб. Лекин кўнглимга ўтирмаган роль ҳам бор. «Соткин» фильмида Ҳафизулло Омон образини ижро этиш қийин кечган.
- «Ishonch» газетаси жамоаси ва ўқувчиларига талқларингиз?
- Холис ва ҳаққоний сўз айтётган ижодкор дўстларимизга ҳамisha омад тилайман. «Ishonch» газетхонларнинг ишончли ва яқин ҳамкорига айланиб, ўқувчилари янада кўпаявर्सин.



Сўхбатдош:
Умид
ХУДОЙҚУЛОВ
«ISHONCH»

